

Kiathun á Sī Tòksin

7 Lín tī hō góa ê phoe tiong ū kóng khí : Chapó lâng bô kiathun khah hó. 2 Chóng sī, ūi tiòh pībián ìmloān, sói, tàkê chapó lâng engkai ū kakī ê bó, tàkê chabó lâng mā engkai ū kakī ê ang. 3 Ang tiòh tùi bó chīn èng chīn ê gībū; bó mā tiòh tùi ang chīn èng chīn ê gībū. 4 Bó tùi kakī ê sengkhu bô chúkoān, chúkoān sī chāi tī in ang; siāngkhoán, ang tùi kakī ê sengkhu mā bô chúkoān, chúkoān sī chāi tī in bó. 5 Huchhe m̄ thang hutliók tuihong ê suiàu, tūhui ūi tiòh beh choansim kító, huchhe hōsiōng tôngi liáuāu, tòh thang chiāmsí hunkhui; m̄ koh, liáuāu iūgoān tiòh koh chòhóe tòh, chiah biántit inūi lín bē tàng khòngchè kakī ê chēngiok, tìsú siū Satán ê iúhék. 6 Góa kóng angbó thang chiāmsí hunkhui, sī chhut tī góa ê iōngín, pēng m̄ sī Chú ê bēnglēng. 7 Góa ài tàk lâng lóng chhinchhiūⁿ góa bô kiathun, chóng sī, tàk lâng tùi SiōngChú niásiū ê insù bô kàngkhoán, ū ê sī chit khoán, ū ê sī hit khoán.

8 Tùi hiahê bīhunchiá kah kóahū, góa khng in nā ē tàng chhinchhiūⁿ góa siú tòksin sī hó. 9 Nā bē tàng khòngchè kakī, tòh engkai kiathun; inūi lēngkhó kèchhōa, pí hō iókhóe sio khah hó. 10 Tùi íkeng kiathun ê lâng, góa bēnglēng lín; kítit m̄ sī góa, sī Chú ê bēnglēng: Bó m̄ thang líkhui ang, 11 nā líkhui, tòh engkai siú tòksin, nā bô, tiòh koh kah in ang hòhó. Ang mā m̄ thang pàngsak in bó.

12 Tùi kitha ê lâng góa kóng (m̄ sī Chú kóng ê): Nā lâmsintô chhōa bô sìn Chú ê lâng chò bó, jīchhiáⁿ in bó hoaⁿ hí kah i chòhóe tòh, i tòh m̄ thang kā i pàngsak. 13 Nā lúsintô kah bô sìn Chú ê lâng kiathun, jīchhiáⁿ in ang hoaⁿ hí kah i chòhóe tòh, i mā m̄ thang kā in ang pàngsak. 14 Bô sìn Chú ê chapó lâng inūi chhōa sìn Chú ê lâng chò bó, tòh ē tit tiòh SiōngChú ê chiapláp; kàngkhoán, bô sìn Chú ê chabó lâng inūi kè sìn Chú ê ang, mā ē tit tiòh SiōngChú ê chiapláp. Nā bô, in ê kiáⁿ jī tòh bô sèngkiat; m̄ koh sūsit siōng, in sī sèngkiat ê. 15 Bô sìn Chú ê lâng nā beh líkhui, tòh kùchāi i líkhui. Tī chit chióng

結婚 á 是獨身

7 Lín tī hō 我 ê phoe 中有講起 : Chapó 人無結婚 khah 好。 2 總是，為 tiòh 避免淫亂，所以， tàk 个 chapó 人應該有 kakī ê bó, tàk 个 chabó 人 mā 應該有 kakī ê 翁。 3 翁 tiòh 對 bó 盡應盡 ê 義務； bó mā tiòh 對翁盡應盡 ê 義務。 4 Bó 對 kakī ê 身軀無主權，主權是在 tī in 翁； siāng 款，翁對 kakī ê 身軀 mā 無主權，主權是在 tī in bó。 5 夫妻 m̄ thang 忽略對方 ê 需要，除非為 tiòh beh 專心祈禱，夫妻互相同意了後， tòh thang 暫時分開； m̄ koh, 了後猶原 tiòh koh 做伙 tòh, chiah 免得因為 lín bē tàng 控制 kakī ê 情慾，致使受撒旦 ê 誘惑。 6 我講翁 bó 暫時分開，是出 tī 我 ê 容允，並 m̄ 是主 ê 命令。 7 我 ài tàk 人 lóng 親像我無結婚，總是， tàk 人 tùi 上主領受 ê 恩賜無全款，有 ê 是 chit 款，有 ê 是 hit 款。

8 對 hiahê 未婚者 kah 寡婦，我勸 in 若 ē tàng 親像我守獨身是好。 9 若 bē tàng 控制 kakī, tòh 應該結婚；因為寧可嫁娶，比 hō 慾火燒 khah 好。 10 對已經結婚 ê 人，我命令 lín ; 其實 m̄ 是我，是主 ê 命令 : Bó m̄ thang 離開翁， 11 若離開， tòh 應該守獨身，若無， tiòh koh kah in 翁和好。翁 mā m̄ thang 放 sak in bó。

12 對其他 ê 人我講 (m̄ 是主講 ê) : 若男信徒娶無信主 ê 人做 bó, 而且 in bó 歡喜 kah 伊做伙 tòh, 伊 tòh m̄ thang kā 她放 sak。 13 若女信徒 kah 無信主 ê 人結婚，而且 in 翁歡喜 kah 她做伙 tòh, 她 mā m̄ thang kā in 翁放 sak。 14 無信主 ê chapó 人因為娶信主 ê 人做 bó, tòh ē 得 tiòh 上主 ê 接納；全款，無信主 ê chabó 人因為嫁信主 ê 翁, mā ē 得 tiòh 上主 ê 接納。若無， in ê kiáⁿ 兒 tòh 無聖潔； m̄ koh 事實上， in 是聖潔 ê。 15 無信主 ê 人若 beh 離開， tòh kùchāi 伊離開。 Tī chit 種情形下，信主 ê 翁 á 是 bó tòh 無受婚姻 ê 約束，因為上主呼召咱，是 ài 咱互相和睦過日。 16 信主 ê chabó 人 ah, 你 ná ē 知

chêng hêng hā, sìn Chú ê ang á sī bô tòh bô siū hunin ê ioksok, inūi SiōngChú hōi tiàu lán, sī ài lán hōi siōng hô bók kòe jít. 16 Sìn Chú ê chapó lāng ah, lí ná ē chai lí sī m̄ sī ē kiù kakī ê ang? Sìn Chú ê chapó lāng ah, lí ná ē chai lí sī m̄ sī ē kiù kakī ê bô?

Tiòh Póchhî Siūtiàu hit Sî ê Sinhūn

17 Ták lāng lóng tiòh chiàu Chú sǒ siúⁿsù ê insù, koh chiàu SiōngChú kengtiàu ták lāng ê bók tek lái sengoah. Che tòh sī góa tī kok kàu hōe sǒ kàu tō ê. 18 Niásiū katlé liáu āu chiah chiapsiū hōi tiàu ê lāng, m̄ bián amkhàm katlé ê kīhō; siū hōi tiàu ê sǐ iáubōe niásiū katlé ê lāng, mā m̄ bián khi niásiū katlé. 19 Inūi ū niásiū katlé ásī bô niásiū katlé lóng bô iàukín, iàukín ê sī chunsiú SiōngChú ê kài bēng. 20 Ták lāng lóng tiòh póchhî siūtiàu hit sī ê sinhūn. 21 Lí kám sī chò lôlê ê sǐ lái siūtiàu? M̄ bián khòai; chóng sī, nā ū kīhōe thang tit tiòh chūiū, tiòh ài páak kīhōe. 22 Inūi siū Chú kengtiàu ê lôlê sī hō Chú tháupàng ê chūiū lāng; kàngkhoán, siū Chú kengtiàu ê chūiū lāng tòh chiáⁿchò Kitok ê lôpók. 23 Lín sī SiōngChú ēng koánkè siókhōe ê, m̄ thang chiáⁿchò lāng ê lôlê. 24 Hiaⁿtī chí mōe, lín ták lāng tī SiōngChú bīn chēng, lóng tiòh póchhî goán lái ê sinhūn.

Tóksin kah Kóahū ê Būntê

25 Koanhē tóksin ê būntê, góa pēng bô tui Chú tit tiòh siáⁿmih bēnglēng, chóng sī, góa kījīan íkeng tit tiòh Chú ê liánbín, chiáⁿchò chīntiong ê lôpók, sǒi góa tòh thêchhut kakī ê ìkiàn.

26 Khólí bókchēng kanlân ê chhùkeng, góa jīnūi lāng iáusī póchhî hiānchōng kah hó. 27 Nā íkeng chhōa bô ê, tòh m̄ thang siūⁿ beh chūiū; nā iáubōe chhōa bô ê, tòh m̄ thang siūⁿ beh chhōa. 28 M̄ koh, lí nā chhōa, pēng bô hōanchōe; chāiseklí nā kè, mā m̄ sī hōanchōe. Chóng sī, kiathun ê lāng ē tú tiòh sengoah siōng ê khùnkhó;

你是 m̄ 是 ē 救 kakī ê 翁? 信主 ê chapó 人 ah, 你 ná ē 知你是 m̄ 是 ē 救 kakī ê bô?。

Tiòh 保持受召 hit 時 ê 身分

17 Ták 人 lóng tiòh 照主所賞賜 ê 恩賜, koh 照上主揀召 ták 人 ê 目的來生活。這 tòh 是我 tī 各教會所教導 ê。 18 領受割禮了後 chiah 接受呼召 ê 人, m̄ 免掩蓋割禮 ê 記號; 受呼召 ê 時 iáu 未領受割禮 ê 人, mā m̄ 免去領受割禮。 19 因為有領受割禮 á 是無領受割禮 lóng 無要緊, 要緊 ê 是遵守上主 ê 誠命。 20 Ták 人 lóng tiòh 保持受召 hit 時 ê 身分。 21 你 kám 是做奴隸 ê 時來受召? M̄ 免掛意; 總是, 若有機會 thang 得 tiòh 自由, tiòh ài 把握機會。 22 因為受主揀召 ê 奴隸是 hō 主 tháu 放 ê 自由人; 全款, 受主揀召 ê 自由人 tòh 成做基督 ê 奴僕。 23 Lín 是上主用 koán 價贖回 ê, m̄ thang 成做人 ê 奴隸。 24 兄弟姊妹, lín ták 人 tī 上主面前, lóng tiòh 保持原來 ê 身分。

獨身 kah 寡婦 ê 問題

25 關係獨身 ê 問題, 我並無 tui 主得 tiòh 啥物命令, 總是, 我既然已經得 tiòh 主 ê 憐憫, 成做盡忠 ê 奴僕, 所以我 tòh 提出 kakī ê 意見。

26 考慮目前艱難 ê 處境, 我認為人 iáu 是保持現狀 kah 好。 27 若已經娶 bô ê, tòh m̄ thang 想 beh 自由; 若 iáu 未娶 bô ê, tòh m̄ thang 想 beh 娶。 28 M̄ koh, 你若娶, 並無犯罪; 在室女若嫁, mā m̄ 是犯罪。總是, 結婚 ê 人 ē tú tiòh 生活上 ê 困苦; 所以我是 teh 為 lín 設想。

sóí góa sī teh ūi lín siatsióng.

29 Hiaⁿtī chímōe, góa kā lín kóng, sĭjĭt teh beh kàu à, sóí, tùi taⁿ íau, ū bó ê, tiòh chhinchhiūⁿ bó bó; 30 teh thĭkhàu ê, tiòh chhinchhiūⁿ bó teh thĭkhàu; hoaⁿhí ê, tiòh chhinchhiūⁿ bó teh hoaⁿhí; ū bé mlhkiāⁿ ê, tiòh chhinchhiūⁿ bó tit tiòh siáⁿmlh; 31 teh ēng sèkan ê mlh ê, tiòh m̄ thang ēng kah chĭnpōng, inūi chit sèkan ê hiānchōng teh beh siausit à.

32 Góa ài lín lóng bó hoan bó ló. Bô chhōa bó ê lāng só koansim ê sī Chú ê tāichì, bóktek sī beh hō Chú hoaⁿhí. 33 M̄ koh, ū bó ê lāng chhauhoan sèkan ê tāichì, bóktek sī beh hō bó hoaⁿhí, soah tĭkàu hunsim. 34 Bô kè ê chabó lāng kah chāiseklí só koansim ê sī Chú ê tāichì, bóktek sī beh hō i ê sengkhu kah simlêng lóng sèngkiat. M̄ koh, ū ang ê chabó lāng chhauhoan sèkan ê tāichì, bóktek sī beh hō ang hoaⁿhí.

35 Góa áne kóng sī ūi tiòh lín ê lĭek, m̄ sī beh kā lín sokpák. Góa sī ài lín chò hápgĭ ê tāichì, thang choānsim choānì hòksāi Chú, bó siū sèkansū ê kiáujíau.

36 M̄ koh, nā ū lāng jĭnūi kakī áne tùi thāi bōe chhutkè ê chabó kiáⁿ bó engkai, jĭchhiáⁿ chabó kiáⁿ mā íkeng chhiau kòe kiathun ê nĭlêng, áne, i engkai tiòh chiàu chabó kiáⁿ ê ìsù hō i kiathun. I áne chò pēng bó hōanchōe. 37 Chóng sī, i nā bó puttekí ê tāichì, sī chhut tĭ kakī ê koatsim, koh ē tàng khòngchè kakī ê ìchì, koattēng bó beh hō chabó kiáⁿ kiathun, áne chò sī hó. 38 Chóngkóng chit kù, hō kakī ê chabó kiáⁿ kiathun sī hó, bó hō i chhutkè ê, koh khah hó.

39 Ang íau oah teh ê sĭ, i ê bó tiòh siū sokpák; ang nā sí khì, i tòh thang chūiū kè hō i só lài ê lāng, m̄ koh tiòh kè hō sìn Chú ê lāng chiah thang. 40 Chāi góa lâi khòaⁿ, i nā bó koh kè sī koh khah ū hokkhì. Góa siūⁿ, góa mā ū siū SiōngChú ê Sènglêng khésĭ.

29 兄弟姊妹，我 kā lín 講，時日 teh beh 到 à，所以，tùi taⁿ 以後，有 bó ê，tiòh 親像無 bó；30 teh 啼哭 ê，tiòh 親像無 teh 啼哭；歡喜 ê，tiòh 親像無 teh 歡喜；有買物件 ê，tiòh 親像無得 tiòh 啥物；31 teh 用世間 ê 物 ê，tiòh m̄ thang 用 kah 盡磅，因為 chit 世間 ê 現狀 teh beh 消失 à。

32 我 ài lín lóng 無煩無惱。無娶 bó ê 人所關心 ê 是主 ê tāichì，目的是 beh hō 主歡喜。33 M̄ koh，有 bó ê 人操煩世間 ê tāichì，目的是 beh hō bó 歡喜，soah 致到分心。34 無嫁 ê chabó 人 kah 在室女所關心 ê 是主 ê tāichì，目的是 beh hō 她 ê 身軀 kah 心靈 lóng 聖潔。M̄ koh，有翁 ê chabó 人操煩世間 ê tāichì，目的是 beh hō 翁歡喜。

35 我 áne 講是為 tiòh lín ê 利益，m̄ 是 beh kā lín 束縛。我是 ài lín 做合宜 ê tāichì，thang 全心全意服事主，無受世間事 ê 攪擾。

36 M̄ koh，若有人認為 kakī áne 對待未出嫁 ê chabó kiáⁿ 無應該，而且 chabó kiáⁿ mā 已經超過結婚 ê 年齡，áne，伊應該 tiòh 照 chabó kiáⁿ ê 意思 hō 她結婚。伊 áne 做並無犯罪。37 總是，伊若無不得已 ê tāichì，是出 tĭ kakī ê 決心，koh ē tàng 控制 kakī ê 意志，決定無 beh hō chabó kiáⁿ 結婚，áne 做是好。38 總講一句，hō kakī ê chabó kiáⁿ 結婚是好，無 hō 她出嫁 ê，koh khah 好。

39 翁 íau 活 teh ê 時，伊 ê bó tiòh 受束縛；翁若死去，她 tòh thang 自由嫁 hō 她所意愛 ê 人，m̄ koh tiòh 嫁 hō 信主 ê 人 chiah thang。40 在我來看，她若無 koh 嫁是 koh khah 有福氣。我想，我 mā 有受上主 ê 聖靈啟示。